

Hocouh:

Haeuj Mbanj Yauzcuz Senhconz Gohbuj

9 nyied 16 hauh, Hocouh Si youq Bingzgvei Gih Ngozdangz Cin Cauzdui Cunh gawjhengz aen yizsiz haidaeuz gvaq ngoenzgohbuj daengx guek bi 2020 caeuq cietgohyoiz boubcoz boubrauh Gvangjsih. Gyoengq gohbuj ganbu haeuj daengz ndaw mbanj siujsoq minzcuz, roengz daengz caengzdae ceiq gyawj vunzlai, cienz gohbuj cihsiz hawj vunzlai Yauzcuz, langhbaij gijyungh gohyoz, coengh okrengz fuengzgaemh binghraq, baengh gohyoz banggungz, vunzlai Yauzcuz angqcoux caeuq haenhndei, gyoengq beixnuengx Yauzcuz angqvauvau haenh mbouj dingz.

(Liu Cujbingz/廖祖平)

► Gyoengq vunz Yauzcuz dangdieg hwnj daiz angq yienj cezmuz.



Sanhgyangh: Bang Son'gyauq Coengh Duetgungz

9 nyied 17 hauh, Gozgyah Yizminz Gvanlijigiz Gyangsuh Benhgenj Cungcan boubminzgingj Hij Yenlu youq Sanhgyangh Duncuz Swciyen Duzdung Cin Bazhez Siujyoz hwnj dangz yinhyoz. Bineix, Gozgyah Yizminz Gvanlijigiz Sanghaij, Gyangsuh, Cezgyangh, Sanhdungh, Gvangjsih caeuq Gvangjcouh, Sinhcin, Cuhhaij, Yamwnz 9 aen benhgenj cungcan gungh baij 177 boubgingicaz daengz Sanhgyangh 7 aen yanghcin 48 aen hagdangz guh hong bangcoengh son'gyauq, okrengz coengh dieg Duncuz dwk hingz ciengz ciengq gunggeng duetgungz ceiqsat.

(Gungh Bujganhg/龚普康)



▲ Ndaw doz dwg boubminzgingj hwnj dangz yinhyoz.

Denzyangz Gih Banh Aenban Cienmonz Sonlien Mehmbwk Gyaak Bonjsaeh Baenzfouq



▲ Gyoengq mehmbwk doxcomz daeuj aen ban neix hag bonjsaeh.

9 nyied 17 daengz 18 hauh, Denzyangz Gih comz daengx gih 161 boub fulenz cujsiz ndaw cunh(segih) youq Sinhau Cizyez Ginaengz Beizyin Yozyau banh aenban hawj gyoengq ganbu mehmbwk caengzdae daezsang suciz caeuq cienmonz sonlien "hanqmbwn daiqdaeuz" mehmbwk lajmbanj, baenzneix guh couh mbouj dingz mbouj duenh gyan dei gij hongbaenz duetgungz duetmauh, doinyoengx hong saenqhwngh lajmbanj lai baenaj.

(Vangz Gozsun Loz Gvei-hoz/黄国顺 罗桂荷)



▲ Ndaw doz dwg ciengzmienh baez hoih neix.

Bingzgoj Si Hai Aenhoih Ciuheuh Vunzlai Cauhlaeb Aen Si Yienghndei Daengx Guek Minzcuz Doxgiet Baenaj

Ndwen 9 ngoenz 15, Bingzgoj Si hai aenhoih ciuheuh vunzlai cauhaeb aen si yienghndei daengx guek minzcuz doxgiet baenaj. Aen daihhoih neix ciuheuh daengx si gak minzcuz ganbu ginzung caezhoz caemh yamq; aeu guh ndei hong gunggeng duetgungz, gajndeij gwndaenj beksingq; lai roengz cienzngaenz hawj dieg siujsoq minzcuz comzyouq, hawj vunzlai siujsoq minzcuz raen ndaej ikleih.

Aen daihoih neix ciuheuh daengx si gak gaep bumwnz lai rox gij saeh neix youqgaenj, itdingh aeu ciuq siveij nda dingh bae ngeix bae guh, rox saeh haenq, rox mbaq dawzap caeuq rox aeu baenzsaeh, yamq maenh yamq onj guh ndei gij hong cauhaeb aen si yienghndei daengx guek minzcuz doxgiet baenaj, haenqrengz hawj Bingzgoj Si baenz aen si yienghndei daengx guek minzcuz doxgiet baenaj.

(Loz Ginhungz/罗金宏)